

SOALAN LAZIM PELAJAR BAHARU

1. Bagaimanakah cara untuk membuat pembayaran yuran?

Pelajar boleh membuat pembayaran yuran melalui kaedah pembayaran seperti berikut:

i. JomPAY :

- a. Biller code UniMAP : **1024**
- b. Masukkan maklumat berikut : **Ref 1 : No.Matrik**
Ref.2:No.Kad Pengenalan/No.Passport
Amaun bayaran
- c. Sila pastikan maklumat dimasukkan dengan tepat

ii. Pembayaran secara Bill Presentment Bank Islam :

a. Mesin ATM Bank Islam (menggunakan kad ATM Bank Islam)

- i. Pilih Menu > Lain > Pembayaran Bil & Yuran IPT
- ii. Masukkan nombor kad pengenalan pelajar
- iii. Pilih Bil
- iv. Masukkan amaun bayaran

b. Perbankan Internet Bank Islam (www.bankislam.com.my) – bagi yang mempunyai akaun Bank Islam

- i. Pilih menu Payment / Services > Bill Presentment
- ii. Masukkan nombor kad pengenalan pelajar
- iii. Pilih nama Universiti Malaysia Perlis
- iv. Masukkan amaun bayaran

c. Mesin CDM Bank Islam (BAYARAN AMAUN GENAP SAHAJA)

- i. Pilih Menu > Pembayaran Bil & Yuran IPT
- ii. Masukkan nombor kad pengenalan pelajar
- iii. Masukkan amaun bayaran (AMAUN GENAP SAHAJA)

d. Kaunter Bank Islam

- i. Isi slip bayaran masuk (sila isikan nama pelajar, nombor kad pengenalan pelajar dan Bayar Kepada UniMAP)
- ii. Isikan amaun bayaran

2. Berapakah amaun yuran yang perlu dibayar bagi pelajar baharu?

Jumlah yuran yang perlu dibayar mengikut program pengajian adalah seperti berikut:

i) Kejuruteraan	- RM2,200.00
ii) Teknologi Kejuruteraan	- RM2,200.00
iii) Teknologi	- RM2,690.00
iv) Komunikasi Media Baharu	- RM2,035.00
v) Keusahawanan Kejuruteraan	- RM2,035.00
vi) Perniagaan Antarabangsa	- RM2,035.00

3. Bolehkah yuran dibayar secara tunai?

Tidak boleh. Segala urusanniaga dibuat TANPA TUNAI

4. Bilakah saya perlu membayar yuran pengajian saya?

Sebelum hari pendaftaran. Sebaik-baiknya mengikut tarikh seperti yang dinyatakan di dalam Sistem Surat Tawaran.

5. Adakah pihak Bendahari menetapkan jangka masa tertentu untuk membuat bayaran yuran pengajian pada setiap semester?

Bagi pelajar baharu, bayaran yuran hendaklah dijelaskan sebelum pendaftaran.

Bagi pelajar sedia ada, pelajar dikehendaki membayar tunggakan yuran sebelum pendaftaran semester baru atau sebelum minggu ke 12 bagi yuran semester semasa.

6. Adakah yuran akan dikembalikan sekiranya saya menggugurkan kursus?

Yuran tidak akan dikembalikan sekiranya pelajar menggugurkan kursus.

7. Sekiranya saya ingin menangguhkan pengajian, adakah saya perlu membayar yuran?

Pelajar masih perlu membayar yuran dan mendaftar sebagai pelajar UniMAP terlebih dahulu dan seterusnya membuat permohonan penangguhan pengajian dengan pihak fakulti. Setelah mendapat kelulusan penangguhan pengajian, pihak Jabatan Bendahari akan mengembalikan yuran kepada pelajar.

8. Adakah saya perlu membayar yuran penginapan sekiranya saya ingin menetap di rumah bersama keluarga?

Yuran penginapan perlu dibayar oleh semua pelajar UniMAP. Permohonan untuk tidak tinggal di Kolej Kediaman perlu dibuat dengan pihak Pusat Perumahan Pelajar (PPP) dan sebarang pemulangan yuran penginapan adalah tertakluk kepada kelulusan pihak PPP.

9. Adakah pinjaman / biasiswa disediakan? Adakah pihak UniMAP akan membantu proses permohonan pinjaman / biasiswa pengajian?

Pelajar perlu membuat sendiri permohonan bagi sebarang pinjaman / biasiswa daripada mana-mana agensi. Pelajar boleh merujuk kepada pihak Pusat Perkhidmatan Pelajar (P3P) untuk semakan agensi yang menawarkan bantuan pinjaman / biasiswa kepada pelajar.

10. Saya mendapat penajaan, adakah saya masih perlu membuat pembayaran?

Sekiranya pelajar menerima penajaan pengajian, satu salinan surat tawaran penajaan hendaklah diserahkan / diemelkan kepada Jabatan Bendahari dan juga kepada P3P. Pelajar baharu digalakkan membayar sendiri dahulu bayaran yuran sebelum pendaftaran bagi mengelakkan kesulitan sepanjang semester pengajian.

11. Sekiranya saya sudah membayar yuran pengajian terlebih dahulu sebelum penaja, adakah pihak Jabatan Bendahari akan mengembalikan bayaran saya setelah penaja membuat pembayaran?

Bayaran yang telah dibuat akan dikembalikan setelah pihak penaja membuat pembayaran yuran kepada UniMAP.

12. Bagaimanakah cara untuk saya memohon pinjaman daripada PTPTN?

Pihak P3P akan mengadakan satu taklimat kepada semua pelajar baharu tentang permohonan pinjaman PTPTN.

13. Bagaimanakah caranya sekiranya saya ingin membayar yuran menggunakan akaun KWSP sendiri / ibu bapa?

Pelajar boleh menghantar permohonan untuk mendapatkan surat pengesahan pengajian kepada Jabatan Bendahari melalui emel dan seterusnya mengemukakan permohonan kepada pejabat KWSP.

14. Sekiranya saya ingin membayar yuran secara ansuran, adakah dibenarkan?

Pelajar boleh membayar yuran pendaftaran (yuran tidak berulang) sebanyak RM790.00 dahulu sebelum pendaftaran dan baki dibayar selewatnya-lewatnya sebelum minggu ketujuh (7) semester bagi mengelakkan kesulitan.

- 15. Jika saya masih belum memasuki kampus dan mengikuti pengajian secara dalam talian, adakah saya masih perlu membayar yuran suaikenal, yuran pengangkutan dan yuran penginapan?**

Pelajar perlu membayar semua yuran yang termasuk di dalam keseluruhan yuran yang telah ditetapkan. Sebarang pengurangan atau pengecualian yang diluluskan adalah tertakluk kepada kelulusan pihak berkuasa universiti dan akan dimaklumkan kemudian sekiranya ada.

- 16. Adakah dibenarkan yuran dibayar selepas pendaftaran? Sekiranya dibenarkan, berapakah tempoh masa yang diberikan bagi menjelaskan yuran pengajian tersebut?**

Pelajar dikehendaki menjelaskan sekurang-kurangnya RM790 sebelum pendaftaran dan baki bayaran perlu dijelaskan sebelum minggu ketujuh (7) bagi semester tersebut.

- 17. Sekiranya saya mendapat tawaran belajar di institusi pengajian yang lain, adakah saya boleh menuntut kembali yuran pengajian yang telah dibayar di UniMAP?**

Pelajar boleh menuntut kembali keseluruhan yuran yang telah dibayar dengan syarat pelajar masih belum mendaftar dengan UniMAP. Pelajar perlu mengemukakan surat makluman dan tuntutan semula bayaran yuran kepada Jabatan Bendahari melalui emel berikut : kewanganpelajar-bendahari@unimap.edu.my cc: kemasukan@unimap.edu.my selewat-lewatnya sehari sebelum hari pendaftaran.

Sekiranya pelajar telah mendaftar sebagai pelajar UniMAP tetapi ingin menarik diri disebabkan mendapat tawaran institusi pengajian yang lain atau atas sebab-sebab yang lain, pelajar perlu menghantar permohonan menarik diri terlebih dahulu kepada pihak Bahagian Kemasukan dan Rekod Pelajar (AMD). Bayaran balik yuran akan dibuat selepas pihak Jabatan Bendahari menerima pengesahan menarik diri pelajar daripada pihak AMD dan PPP.

- 18. Sekiranya saya menarik diri dari UniMAP selepas pendaftaran, adakah saya layak untuk mendapat pulangan balik yuran yang telah dijelaskan?**

Maklumat kepada pelajar baharu yang telah membuat bayaran penuh dan menarik diri selepas pendaftaran :

a) Yuran Tidak Berulang (Pendaftaran Kemasukan)

Tiada bayaran akan dikembalikan sekiranya pelajar menarik diri selepas pendaftaran.

b) Yuran Tidak Berulang

- i) Pelajar baharu yang menarik diri dalam tempoh 14 hari daripada tarikh pendaftaran, bayaran yuran akan dikembalikan setelah ditolak bayaran Yuran

Tidak Berulang dan Yuran Penginapan (akan dikembalikan setelah ditolak bilangan hari mendiami asrama)

- ii) Pelajar yang menarik diri dalam tempoh minggu ketiga sehingga sebelum cuti pertengahan semester, tiada bayaran akan dikembalikan bagi yuran tidak berulang. Bayaran yuran berulang, 50% daripada yuran pengajian akan dikembalikan, manakala yuran penginapan akan dikembalikan setelah ditolak bilangan hari mendiami asrama dan lain-lain yuran tidak akan dikembalikan.
- iii) Pelajar yang menarik diri selepas cuti pertengahan semester, tiada bayaran yuran akan dikembalikan kecuali yuran penginapan akan dikembalikan setelah ditolak bilangan hari mendiami asrama.

Sekiranya pelajar menarik diri selepas pendaftaran tetapi tidak membuat pembayaran penuh yuran, pelajar akan dianggap sebagai berhutang setelah dibuat pengiraan bagi yuran yang layak dikenakan ke atasnya.

19. Bagaimanakah cara untuk saya menghubungi Pejabat Bendahari untuk bertanya dengan lebih lanjut berkenaan pembayaran yuran?

Pelajar yang ingin bertanya lebih lanjut berkenaan pembayaran yuran boleh menghubungi Bahagian Kewangan Pelajar, Jabatan Bendahari melalui emel : kewanganpelajar-bendahari@unimap.edu.my atau di talian 04-941 4033 / 4035 / 4020